

Köönt Immen wenen?

„Pass op, Morten, en Imm!!!“
 „Wat hest du denn, Lisa? Schree doch nich so.“
 „Man, dor weer jüst en Imm an dien Arm. Büst du denn nich bang vör de?“
 „Wat, bang vör düsse lütten Dinger? Ik bün doch veel grötter as de.“
 „Na ja, aver du kannst nich steken. Un wenn du vun en Imm staken warrst, denn deit dat weh. Richtig dull weh.“
 „En Imm stickt doch nich eenfach so. Dat maakt se blots, wenn se sülvst bang is. Wenn ik en Imm draap, snack ik eenfach mit ehr. Ik vertell ehr, dat ik ehr nix do, ok wenn ik veel grötter bün as se. Dat löppt goot.“
 „Wat, du snackst mit Immen? Du büst ja snaaksch.“

„Nee, bün ik nich. Dat maakt mien Opa ok jümmers. Un de kennt sik ut, denn he hett egen Immen.“
 „Wat, dien Opa hett Immen?“
 „Ja! Dusend. Oder noch mehr. Ik heff jüm nienich tellt.“
 „Wat maakt he denn mit all de Immen?“
 „Man, Lisa, du weetst aver ok gor nix. Mien Opa maakt Honnig, is doch kloor!“
 „Wenn du so klook büst, Morten, denn vertell mi doch mal: Wat itt en Imm? Wat drinkt se? Un is en Imm ok mal trorig un mutt wenen?“
 „En Imm, de weent? Wokeen vun us is hier bitte snaaksch, Lisa? Immen möögt för ehr Leven gern söten Plantensaft. Se sett sik op en Bloom, hoolt ehr Snuut rin un drinkt.“

„Dat kann ik verstahn, ik mag ok gern Sötes drinken. Un woans löppt dat nu mit den Honnig?“
 „Wat, dat weet ik egentlick ok nich so nipp un nau. Ik glööv, dat kann us mien Opa beter vertellen. Hest du Lust, dat wi em un sien Immen mal tosamen besöken doot?“
 „Na kloor!“

Un du, hest du al mal sehn, woans Honnig maakt warrt? Villicht gifft dat bi di in de Neegde ja en Imkeree, de du mal besöken kannst? Villicht finnst du ja ok rut, wat Immen nu wenen köönt oder nich.

Ik wull

Ik wull,
 dat ik en Hund weer,
 denn gnurr ik gern un bell.
 Ik suus un jump den helen Dag
 un Paul kraul mi dat Fell.

Ik wull,
 dat ik en Vogel weer,
 hooch baven in den Heven.
 Denn kunn ik flegen hier un dor.
 Nee, weer dat en Leven!

Ik wull,
 dat ik en Swien weer,
 denn leeg ik fuul op miene Huut
 un fret un quick un dreih mi üm
 un snork noch mal so luut.

Ik wull,
 dat ik en Muus weer,
 lüerlütt, mit langen Steert.
 denn suus ik dörch den Stall so fix
 Nee, dat weer nich verkehrt!

Ik wull,
 dat ik en Koh weer,
 denn müss ik nich veel doon.
 Ik fret den helen Dag blots Gras,
 un villicht ok mal en Bloom.

Zitronen-Honnig-Limonaad



Du bruukst:
 8 Zitronen
 8 Eetleppel Honnig
 1 Liter Water

2 vun de Zitronen musst du goot afwaschen, afdrögen un denn de Schaal afrieven. En Riev finnst du seker in de Köök, aver pass op diene Fingern op! De Schaal kümmt in en groten Putt.
 Nu musst du ut all Zitronen den Saft rutpressen. Probeer mal, dat is schön suer! De Saft kümmt ok in den Putt rin.
 Denn kümmt de Honnig dorto.
 Nu mutt dat Water eenmal opkaken (laat di lever helpen), denn güttst du dat in den Putt.
 Röhr dat düchtig üm, dat sik de Honnig oplööst!

Nu mutt de Limonaad noch afköhlen, dat duert en beten.
 Villicht willst du noch en poor lesstücken in't Glas doon? Laat di dat smecken!

Noch en beten wat to'n Vörlesen:



BRUMMER HINNERK
 En lütt beten dammelig un drömelig is Brummer Hinnerk: He suust un bruust dörch de Luft un flüggt jümmers wedder in dat schöne Nett vun Spinn Hillegund rin un ritt dat twei. Nee, wat is se füüsch! Düsse dösige Brummer! Un Hinnerk? Em deit dat Leed, he meent dat doch nich böös. Un egentlick söcht Brummer Hinnerk en Fründ. He fraagt all de Deerten, man keeneen will sien Fründ ween ...
 De ganze Geschicht vun Brummer Hinnerk finnt ji in düsse beiden Billerböcker:
 „Brummer Hinnerk un Spinn Hillegund“ un „Brummer Hinnerk söcht 'n Fründ“ vun Hei-drun Schlieker.
 ISBN 978-3-8042-1212-1 un ISBN 978-3-8042-1332-6
 Boyens-Verlag.

Dat gifft dusend Sorten Platt un en is so schön as de anner. Woans de Wöör utspraken warrt, dat kann jedereen denn för sik maken.
 Wo dat op ankümmt:

Wat passt tohoop?

De Hund	verstickt sik ünner't Kökenschapp.
De Vogel	mag gern Botterblööm.
Dat Swien	springt hen un her.
De Muus	is meisttiets schietig.
De Koh	kickt sik allens vun baven an.

De Kattendanz

(Singen na de Melodie: Der Katzentatzenanz)

Kiek, de Katt de danzt alleen,
 danzt un danzt blots op een Been.

Refrain

Kummt de Kater to de Katt,
 slickt ehr rechts un links de Patt,
 strakelt ehr över den Kopp
 un denn hett se allens mitmaakt.

Refrain

Un nu danzt se beid tosaam',
 he as Mann un se as Daam.
 Un de Muus in't swarte Loch
 röppt: en Glück, se danzt dor noch!

*To dat Leed köönt de Kinner danzen.
 En Kind is de Katt, en de Igel, en de Haas ...
 Melodie: Fredrik Vahle. Hoochdüütsch: Helme Heine.
 Plattdüütsch: Renate Poggensee*

Kummt de Igel to de Katt:
 kumm un giff mi mal dien Patt!
 Mit den Igel danz ik nich,
 is mi veel to stachelig.

Kummt de Hamster to de Katt:
 kumm un giff mi mal dien Patt!
 Mit den Hamster danz ik nich,
 is mi veel to pummelig.

Refrain

Kummt de Hoffhund to de Katt:
 kumm un giff mi mal dien Patt!
 Mit den Hoffhund danz ik nich,
 bellt mi veel to fürchterlich.

Refrain

Refrain: Un de Katt de danzt alleen,
 danzt un danzt blots op een Been.

Kummt de Haas hen to de Katt:
 kumm un giff mi mal dien Patt!
 Mit den Hasen danz ik nich,
 is mi veel to hampelig.

Wokeen bün ik?

Moin. Dörv ik mi kort vörstellen?
 De Hoff is mien Reveer. Hier bün ik de Baas; all höört op mi. Goot, dat een oder anner Maal mutt ik ok luut warrn, man egentlick löppt dat. Fröh an'n Morgen segg ik Bescheid, un denn heet dat: rut ut de Feddern! Ik kiek, dat all wat to freten finnt. Un ik pass op miene Deerns op. Avends bring ik se all wedder na binnen un denn heff ik eerstmal Roh, bet de Sünn opgeiht.

Na, wokeen bün ik?

Ik bün de Hahn, is doch kloor!



Snack Platt!

Beiträge dieser Doppelseite von:
 Christiane Ehlers (bzw. zusammengestellt),
 Institut für niederdeutsche Sprache

über
75 Jahre

Knollenberg & Partner
 Wirtschaftsprüfer - Steuerberater - Rechtsanwälte

Osnabrücker Straße 3
49811 Lingen
 Telefon (05 91) 9 12 77-0
 Telefax (05 91) 9 12 77-99
 E-Mail: info@knollenborg.de
 Internet: www.knollenborg.de

Kanzlei Oldenburg:
 Marschweg 36 / 36 a
 26122 Oldenburg
 Telefon: (04 41) 9 72 90-0
 Telefax: (04 41) 9 72 90-99

... Beratung aus
Tradition